

14 OCTOMBRIE
RUGACIUNEA 5
SF.CUVIOASE
PARASCHEVA DE LA IASI

МОЛИТВА

О, прекрасная невесто Христова, чистая голубице, позлащенная Духом Святым, девственная похвало и пустынножительная собеседнице ангелов, насадившая на земли мысленный рай твоими добродетелями, преподобная мати Параскево! Что принесем тебе достойного в дар, кроме смиренных и грешных молений наших, яже приимши, очисти я святыми твоими молитвами и принеси к Жениху твоему, Христу Богу нашему! Ублажаем тя, красото сербского народа и наша заступнице и хранительнице, еюже хвалятся царие и князи. Ты, яко храбрый воевода, крепостию, данною ти от Царя Сил, обращала со студом вспять лица врагов страны твоей, и нашу страну Российскую силою молитв твоих огради от всех навет видимых и невидимых врагов. Моли Бога о нас, о преподобная мати, да не яростию Своею обличит нас, ниже гневом Своим накажет нас за

премногия грехи наша, но милостию Своею да оградит нас и да дарует нам время на покаяние и исправление. О преподобная Параскево, всех собравшихся в сем храме и с любовью чтущих святую память твою осени твоим заступлением и испроси у Царя Сил, Емуже со ангелы предстоиши, коемуждо благопотребная во временной жизни сей, паче же помози нам в достижении Царства Небеснаго в будущем веце твоими теплыми молитвами и ходатайством ко Господу нашему Иисусу Христу, Емуже подобает всякая слава, честь и поклонение со Отцем и Святым Духом, ныне и присно и во веки веков. Аминь.